


Sanctissimi D. N.

ALEXANDRI
DIVINA PROVIDENTIA
PAPÆ VII.

Confirmatio, & Declaratio Constitutionis Innocentij Papæ X. qua damnatæ sunt quinque Propositiones excerptæ à libro Cornelij Iansenij Episcopi Iprensis, cui Titulus, Augustinus.



ROMÆ, Ex Typographia Reuerendæ Camerae
Apostolicæ, M.DC.LVII.

ALEXANDER

EPISCOPVS

SERVVS SERVORVM DEI.

Vniuersis Christi fidelibus salutem, & Apostolicam benedictionem.



D Sanctam Beati Petri Sedem, & Vniuersalis Ecclesiæ regimen, in scrutabili Diuinæ Prouidentia dispositione, nullis nostris suffragantibus meritis euecti, nihil Nobis antiquius ex muneris nostri debito esse duximus, quàm vt Sanctæ Fidei nostræ, ac Sacrorum Dogmatum integritati tradita Nobis à Deo potestate opportunè cõsuleremus; ac licet ea, quæ Apostolicis Constitutionibus abundè fuerunt definita nouæ Decisionis, siuè Declarationis accessione, nequaquàm indigeant, quia tamen aliqui publica tranquillitatis perturbatores illa in dubium reuocare, vel subdolis interpretationibus labefactare non verentur, ne morbus iste latius diuagetur, promptum Apostolicæ autoritatis remedium censuimus non esse differendum. Emanauit siquidem aliàs à soel. rec. Innocentio Papa X. Prædecessore nostro Constitutio, Declaratio, & definitio tenoris, qui sequitur, videlicet. Innocentius Episcopus Seruus Seruorum Dei. Vniuersis Christi fidelibus salutem, & Apostolicam benedictionem. Cum occasione impressionis libri, cui titulus Augustinus *Contra Iulianum Episcopum Inuidiosum*, inter alias eius opiniones orta fuerit, præsertim in Galliis, controuersia super quinque ex illis, complures Galliarum Episcopi apud Nos institerunt, vt easdem Propositiones Nobis oblatas expenderemus, ac de vnaquaque earum certam, & perspicuam ferremus sententiam. Tenor verò præfatarum propositionum est prout sequitur.

Prima. Aliqua Dei præcepta hominibus iustis volentibus, & conantibus secundum præsentem, quas habent vires, sunt impossibilia, deest quoque illis Gratia, qua possibilia fiant.

Secunda. Interiori Gratia in statu naturæ lapsæ nunquam resistitur.

Tertia. Ad merendum, & demerendum in statu naturæ lapsæ non requiritur in homine libertas à necessitate, sed sufficit libertas à coactione.

Quarta. Semipelagiani admittebant præuenientis Gratia interioris necessitatem ad singulos actus, etiam ad initium fidei, & in hoc erant hæretici quod vellent eam Gratiam talem esse, cui posset humana voluntas resistere, vel obtemperare.

Quinta. Semipelagianum est dicere, Christum pro omnibus omnino hominibus mortuum esse, aut sanguinem fudisse.

Nos, quibus inter multiplices curas, quæ animum nostrum assiduè pulsant, illa in primis coram est, vt Ecclesia Dei Nobis ex alto comissa purgatis prauarum opinionum erroribus tuto militare, & tanquam naus in tranquillo mari sedatis omnium tempestatum fluctibus, ac procellis, secure nauigare, & ad optatum salutis portum pertinere possit; Pro rei grauitate coram aliquibus S. R. E. Cardinalibus ad id specialiter sepius congregatis, à pluribus in Sacra Theologia Magistris, easdem quinque Propositiones, vt supra, Nobis oblatas, fecimus singillatim diligenter examinari, eorumque suffragia tum voce, tum

scripto

scripto relata mature considerauimus, eosdemque Magistros, varijs coram Nobis actis congregationibus, prolixè super eisdem, ac super earum qualibet differetes, audiuimus. Cum autem ab initio huiuscemodi discussionis ad Diuinum implorandum auxilium multorum Christi fidelium preces, tum priuatum, tum publicè indixissemus, Postmodum iteratis eisdem feruentius, ac per Nos sollicitè implorata Sancti Spiritus assistentia, tandem Diuino Numine fauente ad infra scriptam deuenimus declarationem, & definitionem. Primam prædictarum Propositionum: Aliqua Dei præcepta hominibus iustis uolentibus, & conantibus secundum præsentem, quas habent vires, sunt impossibilia, deest quoque illis Gratia, qua possibilis fiant, temerariam, impiam, blasphemam, anathemate damnatam, & hæreticam declaramus, & uti talem damnamus. Secundam. Interiori Gratia in statu naturæ lapsæ numquam resistitur. hæreticam declaramus, & uti talem damnamus. Tertiam. Admerendum, & demerendum in statu naturæ lapsæ non requiritur in homine libertas à necessitate, sed sufficit libertas à coactione. hæreticam declaramus, & uti talem damnamus. Quartam. Semipelagiani admittebant præuenientis Gratia interioris necessitatè ad singulos actus, etiàm ad initium fidei, & in hoc erant hæretici, quod uellent eam gratiam talem esse, cui posset humana uoluntas resistere, uel obtemperare. falsam, & hæreticam declaramus, & uti talem damnamus. Quintam. Semipelagianum est dicere, Christum pro omnibus omninò hominibus mortuū esse, aut sanguinem fuisse. falsam, temerariam, scandalosam, & intellectam eo sensu, ut Christus pro salute dumtaxat prædestinatorum mortuus sit, impiam, blasphemam, contumeliosam, Diuinæ pietati derogantem, & hæreticam declaramus, & uti talem damnamus. Mandamus igitur omnibus Christi fidelibus utriusque sexus, ne de dictis Propositionibus sentire, docere, prædicare aliter præsumant, quàm in hac præsentem nostram Declarationem, & Definitionem continetur, sub censuris, & poenis contra hæreticos, & eorum fautores in iure expressis. Præcipimus pariter omnibus Patriarchis, Archiepiscopis, Episcopis, alijsque locorum Ordinarijs, necnon hæreticæ prauitatis Inquisitoribus, ut contradictores, & rebelles quoscumque per censuras, & penas prædictas, coeteraque iuris, & facti remedia opportuna, inuocato etiàm ad hoc (si opus fuerit) auxilio brachij sæcularis, omninò coerceant, & compescant. Non intendentes tamen per hæc Declarationem, & Definitionem super prædictis quinque Propositionibus factam, approbare ullatenus alias opiniones, quæ continentur in prædicto libro Cornelij Ianfenij. Datum Romæ apud Sanctam Mariam Maiorem Anno Incarnationis Dominicæ millesimo sexcentesimo quinquagesimo tertio, pridie Kal. Iunij Pontificatus Nostri Anno Nono. Cum autem, sicut accepimus, nonnulli iniquitatis Filij prædictas quinque Propositiones, uel in libro prædicto eiusdem Cornelij Ianfenij non reperiri, sed fictè, & pro arbitrio compositas esse, uel non in sensu ab eodem intento damnatas fuisse, asserere magno cum Christifidelium scandalo non reformident. Nos, qui omnia, quæ hac in re gesta sunt, sufficienter, & attentè perspeximus, ut potè qui eiusdem Innocentij Prædecessoris iussu, dum adhuc in minoribus constituti, Cardinalis munere fungemur, omnibus illis Congressibus interfuimus, in quibus Apostolica auctoritate, eadem causa discussa est, ea profectò diligentia, qua maior desiderari non posset, quamcumque dubitationem super præmissis imposterum auferre uolentes; ut omnes Christi fideles in eiusdem fidei ueritate se se cõtineant, ex debito nostri Pastoralis Officij, ac matura deliberatione, præinsertam Innocentij Prædecessoris nostri Constitutionem, Declarationem, & Definitionem, harum serie confirmamus, approbamus, & innouamus; & quinque illas Propositiones ex libro præmemorati Cornelij Ianfenij Episcopi Iprensis, cui titulus est Augustinus excerptas, ac in sensu ab eodem Cornelio Ianfenio intento damnatas fuisse, declaramus, & definimus, ac uti tales, iniusta scilicèt eadem singulis nota, quæ in prædicta declaratione, & definitione unicuique illarum singillatim inuritur, iterum damnamus, ac eundem librum sæpe dicti Cornelij Ianfenij, cui titulus, Augustinus, omnesque alios tam manuscriptos, quàm Typis editos, & si quos forsan imposterum edi

contigerit, in quibus prædicta eiusdem Cornelij Iansenij Doctrina, vt supra damnata defenditur, vel astringatur, aut defendatur & astringatur damnamus itidem, atque prohibemus. Mandantes omnibus Christi fidelibus ne prædictam Doctrinam teneant, prædicent, doceant verbo, vel in scriptis exponant, vel interpretentur publicè, vel priuatim palam, vel occultè imprimant, sub pœnis, & censuris cõtra Hereticos in iure expressis ipso facto abiq; alia declaratione incurrendis. Præcipimus igitur omnibus Venerabilibus Fratribus nostris Patriarchis, Primatibus, Metropolitanis, Archiepiscopis, Episcopis, cõterisque locorum Ordinarijs, ac hæreticæ prauitatis Inquisitoribus, ac Iudicibus Ecclesiasticis, ad quos pertinet, vt præinsertam eiusdem Innocentij Prædecessoris Constitutionem, declarationem, ac Definitionem iuxta præsentem nostram Determinationem ab omnibus obseruari faciant, ac inobedientes, & rebelles prædicti, pœnis, alijsque iuris, & facti remedijs, inuocato etiam, si opus fuerit brachij secularis auxilio, omnino coerceant. Datum Romæ apud Sanctam Mariam Maiorem Anno Incarnationis Dominicæ millesimo sexcentesimo quinquagesimo sexto, Decimo septimo Kal. Nouembris, Pontificatus Nostri Anno Secundo.

I. Card. Prodat.

G. Gualterius.

Visa de Curia. P. Ciampinus.

In Nomine Domini Amen. Anno à Natiuitate eiusdem Domini Nostri IESV CHRISTI millesimo sexcentesimo quinquagesimo sexto Indictione nona Pontificatus autem Sanctissimi in Christo Patris & D. N. D. ALEXANDRI Diuina Prouidentia Papa VII. Anno eius Secundo, Die verò septima mensis Nouembris retroscripta littera sub Plumbo exedita. Affixæ fuerunt aut Vetus D. scriptæ Principis expositorum ac V. re. Cancellaria Apostolica, ac alijs locis solitis, & consuetis Urbis, per me Petrum Paulum de Grassis Apostolicum Cursorem.

Pro Magistro Curforum Iacobus Cornelius Curfor.